



Muamer Mekić

Gradski vijećnik u Gradskom vijeću Grada Sarajeva

**GRADSKO VIJEĆE GRADA SARAJEVA
g-din Jasmin Ademović, predsjedavajući Gradskog vijeća**

Predmet: Amandman na Prijedlog Statuta Grada Sarajeva, dostavlja se

U skladu sa članom 124. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), na Prijedlog Statuta Grada Sarajeva, a koji akt je utvrđen kao tačka dnevnog reda 21. sjednice Gradskog vijeća Grada Sarajeva, podnosim Amandman, kako slijedi:

AMANDMAN

U članu 31. stav (1) tačka o) Prijedloga Statuta Grada Sarajeva iza riječi "Grada Sarajeva" brišu se riječi "i daje saglasnost na pravilnik o unutrašnjoj organizaciji gradskih organa uprave i upravnih organizacija".

Obrazloženje

Na dnevnom redu Šesnaeste sjednice Gradskog vijeća Grada Sarajeva koja će se održati 30.11.2022. godine, kao jedna od tački dnevnog reda predviđen je Prijedlog Statuta Grada Sarajeva.

Ovaj materijal bio je predmetom razmatranja radnih tijela Gradskog vijeća Grada Sarajeva, pa je tako Komisija za staut i akte na svojoj 47. sjednici održanoj 11.11.2022. godine, u okviru razmatranja ove tačke dnevnog reda, jednoglasno usvojila zaključak čijom tačkom 2. je predviđeno sljedeće: "2. U radni materijal za predlaganje Statuta Grada Sarajeva, koji danas Komisija razmatra, u članu 31. (Nadležnosti Gradskog vijeća) iza teksta alineje o) prije zareza, dodaje se tekst "i daje saglasnost na pravilnik o unutrašnjoj organizaciji gradskih organa uprave i upravnih organizacija".

Kao razlog za ovu intervenciju usmeno je obrazložena obaveza postupanja po Presudi Ustavnog suda Federacije Bosne i Hercegovine, broj: U-12/22 od 12.10.2022. godine koju je ovaj Sud donio odlučujući o zahtjevu načelnika općina koje su taksativno navedene u preambuli Presude.

Pažljivom analizom Presude (dispozitiva i obrazloženja) može se zaključiti da je nadležni sud odlučujući o povredi prava na lokalnu samoupravu po podnesenom zahtjevu, a ne o obveznosti primjene određenih odredbi zakona.

Tako je u jednom dijelu Presude navedeno:

"Dakle, u odnosu na pitanje lokalne samouprave, ovaj sud se kao institucija ovlaštena za zaštitu prava na lokalnu samoupravu prvenstveno upušta u razmatranje ustavnog položaja lokalne samouprave u kontekstu Evropske povelje", kao i to da "Eventualni sukob nadležnosti ovih organa nije pitanje povrede prava na lokalnu samoupravu prema Evropskoj povelji, te kao takvo i nije relevantno za odlučivanje".

Pri tome se treba imati u vidu i odgovor na zahtjev Predstavničkog doma Federacije BiH u kom se navodi da Komisija za lokalnu samoupravu, između ostalog, smatra da "član 52. Zakona o organizaciji organa uprave nije suprotan Ustavu FBiH, niti je u koliziji sa Zakonom o principima lokalne samouprave, međutim, smatraju da nakon donošenja odluke o organizaciji službi za upravu i drugih službi jedinice lokalne samouprave od strane općinskog vijeća, pravilnik o unutrašnjoju

organizaciji organa uprave kao provedbeni akt donosi načelnik općine (u konkretnom slučaju gradonačelnik/ca).

Cijeneći naprijed navedeno, a posebno činjenicu da je ovaj akt razmatran po redovnoj procedure, te da je sporna intervencija urađena neposredno prije održavanja sjednice Gradskog vijeća, mišljenja sam da bi bilo najsvrsishodnije o Prijedlogu akta odlučivati bez unesenih izmjena, odnosno dopuna ove vrste.

Na kraju, podsjećam Vas da je Grad Sarajevo u svom dosadašnjem radu i postupanju po ovom i sličnim pitanjima postupao u duhu zakona i drugih propisa, a na čemu će i dalje istrajavati. Predlažem da Gradsko vijeće podrži amandman na način kako je predložen.

GRADSKI VIJEĆNIK

Muamer Mekić



Sarajevo, 23.11.2022. godine



Bošna i Hercegovina-Federacija Bosne i Hercegovine		
Kanton Sarajevo - GRAD SARAJEVO		
GRADSKO VIJEĆE		
PREGLEDANO: 28 NOV 2022.		
Prilog	Vrijednost	
Orj. jed.	Broj	
C1-Av-24-1785/22		

Klub vijećnica_ka Naše stranke

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti predlagajuću: Komisija za Statut i akte

Poštovani_e, na osnovu člana 124. Poslovnika Gradskog vijeća Grada Sarajeva („Službene novine Kantona Sarajevo“; broj 28/09, 11/20 i 19/20) upućujemo amandmane na *Prijedlog Statuta Grada Sarajeva*, koji je utvrđen kao tačka dnevnog reda na 21. sjednici Gradskog vijeća Grada Sarajeva.

AMANDMAN 1.

U članu 33. (Predsjedavajući i zamjenici predsjedavajućeg Gradskog vijeća) stav (1) mijenja se i glasi:

„Gradsko vijeće bira predsjedavajućeg Gradskog vijeća (u dalnjem tekstu: predsjedavajući) i tri zamjenika predsjedavajućeg, javnim glasanjem, natpolovičnom većinom glasova od ukupnog broja gradskih vijećnika.“

OBRAZLOŽENJE:

Prilagođavanje terminologije u vezi broja glasova potrebnih za imenovanje onoj korištenoj u članu 43. Prijedloga Statuta.


AMANDMAN 2.

U članu 33. (Predsjedavajući i zamjenici predsjedavajućeg Gradskog vijeća) stav (7) mijenja se i glasi:

„Gradsko vijeće predsjedavajućeg i zamjenike predsjedavajućeg prije isteka mandata razrješava javnim glasanjem, natpolovičnom većinom glasova od ukupnog broja gradskih vijećnika, nakon čega se biraju novi predsjedavajući, odnosno zamjenici predsjedavajućeg.“

OBRAZLOŽENJE:

Smatramo da je pozitivna demokratska praksa da se odredbe koje se odnose na postupak imenovanja primjenjuju i na postupak razrješenja, uključujući i sistem „kvalifikovane većine“ iz člana 8. stav (2) Poslovnika Gradskog vijeća Grada Sarajeva, koji je predmetom idućeg amandmana.



AMANDMAN 3.

U članu 33. (Predsjedavajući i zamjenici predsjedavajućeg Gradskog vijeća) iza stava (7) dodaje se novi stav (8) koji glasi:

„Sjednica Gradskog vijeća na kojoj se raspravlja o prijedlogu za razrješenje predsjedavajućeg i zamjenika predsjedavajućeg ima kvorum za rad i odlučivanje ako je prisutno najmanje dvije trećine gradskih vijećnika, tako da je u toj većini zastupljeno: najmanje po dvije trećine od ukupnog minimalnog broja gradskih vijećnika iz reda svakog konstitutivnog naroda pojedinačno u Gradskom vijeću; najmanje pola od ukupnog minimalnog broja gradskih 3 vijećnika iz reda ostalih, te najmanje dvije trećine od ukupnog broja gradskih vijećnika delegiranih iz općinskog vijeća svake od općina koje čine Grad Sarajevo.“

Dosadašnji stavovi (8) i (9) postaju stavovi (9) i (10).

OBRAZLOŽENJE:

Uvodi se tzv. „kvalificirani kvorum“, kako bi se osiguralo minimalno prisustvo raspravi vijećnika pripadnika konstitutivnih naroda i Ostalih te vijećnika, predstavnika svih gradskih općina.

AMANDMAN 4.

U članu 43. (Izbor i smjena gradonačelnika) stav (5) mijenja se i glasi:

„Gradonačelnik se bira javnim glasanjem, većinom glasova od ukupnog broja gradskih vijećnika“.

OBRAZLOŽENJE:

Smatramo da je javno glasanje neophodno i u slučaju izbora gradonačelnika, istovjetno kao u slučaju predsjedavajućeg.

AMANDMAN 5.

U članu 43. (Izbor i smjena gradonačelnika) stav (10) mijenja se i glasi:

„Gradsko vijeće prije isteka mandata razrješava gradonačelnika, javnim glasanjem, natpolovičnom većinom glasova od ukupnog broja gradskih vijećnika“

OBRAZLOŽENJE:

Smatramo da je pozitivna demokratska praksa da se odredbe koje se odnose na postupak imenovanja primjenjuju i na postupak razrješenja. Uz ovu izmjenu neophodna je i dopuna istog člana, kako bi kvorum za rad i odlučivanje na sjednici na kojoj je tačka dnevnog reda razrješenje gradonačelnika bio onaj koji je previdiđen u članu 8. stav (2) Poslovniku Gradskog vijeća Grada Sarajeva.

AMANDMAN 6.

U članu 43. (Izbor i smjena gradonačelnika) iza stava (10) dodaje se novi stav (11) koji glasi:

„Sjednica Gradskog vijeća na kojoj se raspravlja o prijedlogu za razrješenje gradonačelnika ima kvorum za rad i odlučivanje ako je prisutno najmanje dvije trećine gradskih vijećnika, tako da je u toj većini zastupljeno: najmanje po dvije trećine od ukupnog minimalnog broja gradskih vijećnika iz reda svakog konstitutivnog naroda pojedinačno u Gradskom vijeću; najmanje pola od ukupnog minimalnog broja gradskih 3 vijećnika iz reda ostalih, te najmanje dvije trećine od ukupnog broja gradskih vijećnika delegiranih iz općinskog vijeća svake od općina koje čine Grad Sarajevo.“

Dosadašnji stav (11) postaje stav (12).

OBRAZLOŽENJE:

Uvodi se tzv. „kvalificirani kvorum“ kako bi se osiguralo jednakopravno prisustvo raspravi vijećnika pripadnika konstitutivnih naroda i Ostalih te vijećnika, predstavnika svih gradskih općina.



Adi Škaljić

Predsjednik Kluba vijećnica_ka Naše stranke

Sarajevo, 24.11.2022.

26 NOV 2022

Obj. broj	Ured.	Prilog	Uradnik
01-65-24-1785/22			

Hava Pandžić

Pošiljatelj:

Adi Škaljić <skaljic1987@gmail.com>

Poslano:

subota, 26. novembar 2022. 12:59

Prima:

Gradsko Vijeće Sarajevo - pisarnica

Predmet:

Re: Amandmani Kluba vijećnika NS na Prijedlog Statuta Grada Sarajeva

Privici:

Klub NS - Amandmani na Prijedlog Statuta Grada Sarajeva (1).pdf

Poštovani,

Šaljem vam dorađene amandmane Kluba NS na Prijedlog Statuta Grada Sarajeva.

Molim vas da dokument koji sam vam dostavio u četvrtak stornirate, a ovaj dostavite predlagajući i Gradskom vijeću.

Srdačan pozdrav

On Thu, Nov 24, 2022 at 4:08 PM Adi Škaljić <skaljic1987@gmail.com> wrote:

Poštovani,

Amandmani su u prilogu.

Srdačan pozdrav

Socijalna i Hercegovačka Federacija Bosne i Hercegovine	
Kanton Sarajevo - GRAD SARAJEVO	
GRADSKO Vijeće	
PRIMLJENJE:	28 NOV 2022
Org. jed.:	Pričag
	Vrijednost:
01-04-04-1786/22	

AMANDMANI NA PRIJEDLOG STATUTA GRADA SARAJEVA

Vijećnik Seid Škaljić

Amandman 1.

Član 33. stav 1. U prijedlogu Statuta Grada Sarajeva se navodi da se biraju 3 zamjenika predsjedavajućeg umjesto dosadašnjih 2 zamjenika.

Prijedlog: **Da se u Članu 33 stav 1. broj zamjenika vrati na prvobitna 2.**

Obrazloženje: Iako je moguće izvršiti ovaj vid izmjene on za redovan rad i funkcionisanje Gradskog Vijeća nema nikakvu opravdanost. Rad Vijeća se neće unaprijediti uvođenjem dodatnog zamjenika. Ingerencije Grada Sarajeva i Gradskog Vijeća su svakako već jako ograničene. Dodatno proširenje nema operativnu svrhu. Poređenja radi, najviše zakonodavno tijelo u BiH je Parlamentarna Skupština BiH. Predsjedavajući Parlamentarne Skupštine BiH ima 2 zamjenika. Jedini opravdani razlog za ovaj vid izmjene je politička i za cilj ima „osiguranje podrške“ određenih vijećnika i političkih partija. Mišljenja sam da je ovaj način rada pogrešan i da u konačnici neće osigurati rezultat kakav se očekuje, a u međuvremenu će se izdaci u budžetu Grada značajno povećati za dodatnog zamjenika. Podršku vijećnika u radu treba dobiti kvalitetnim i transparentnim radom, a ne „kupovinom“ funkcija u rukovodstvu.

Ukoliko se ova izmjena želi opravdati time da se u rukovodstvu omogući učestvovanje sva tri konstitutivna naroda i predstavnika ostalih onda je nelogično da u Članu 44 ovog prijedloga Statuta ostaju dva zamjenika Gradonačelnika.

Amandman 2.

Član 73. stav 3.

Piše: „Grad Sarajevo ostvaruje prihode i od lokalnih taxi i naknada čiju stopu samostalno utvrđuju u skladu sa zakonom.“

Ukoliko Lokalne zajednice samostalno odlučuju o visini stope onda je ovaj vid formulacije tačan, ali bi se trebalo precizirati da se odnosi na njih. Ukoliko visinu stope samostalno odlučuje Grad Sarajevo onda je potrebno napisati UTVRĐUJE.

Već u narednom Članu 74. stav c) je jasnije definisano, tako da bi se trebalo i u članu 73. precizirati.

Amandman 3.

Član 76. Imovina.

Prijedlog: Nakon stava 3) dodaje se novi stav 4)

„Nepokretnom imovinom u vlasništvu Grada Sarajeva Gradsko Vijeće može raspolagati isključivo uz odluke koje donosi 2/3 vijeća.“ (moguće je i preformulisati prijedlog, ali da se ne izgubi njegova suština)

Obrazloženje: Iako Grad Sarajevo ne raspolaže sa velikim brojem nepokretne imovine ipak ono što se nalazi u posjedu je od velikog značaja, ali i vrijednosti za Grad Sarajevo i njegovo postojanje kao institucije. Da bi se dugoročno zaštitili interesi Grada Sarajeva neophodno bi bilo i u Statutu Grada izričito navesti da je za raspolaganje nepokretnom imovinom potrebna 2/3 podrške u vijeću.

Ukoliko se smatra da je zakonom bolje riješeno treba imati na umu da za izmjene drugih zakona mi nemamo direktnu ingerenciju, a Statut Grada donosi direktno Gradsko Vijeće, zbog toga je potrebno u Statutu precizirati.

Amandman 4.

Član 95. Inicijativa općine za pridruživanje Gradu Sarajevu

Prijedlog: Nakon stava 4. dodati stav 5.

„Nakon pravosnažnosti svih zakona navedenih u stavu 4 ovog Člana, sva prava i obaveze novih Općina u sastav Grada Sarajeva se primjenjuje od prvog narednog ciklusa lokalnih izbora“

Obrazloženje: Proširenje Grada Sarajeva ima i direktan uticaj na sastav Gradskog Vijeća, ali i na izbor Gradonačelnika gdje po sadašnjem prijedlogu mora biti prijavljen na teritoriji Grada Sarajeva. Zbog toga u slučaju proširenja jedina ispravna implementacija bi bila u prvom narednom ciklusu lokalnih izbora na kojem se i delegiraju vijećnici za Gradsko Vijeće te bira Gradonačelnik Grada Sarajeva.

2.9. NOV 2022

Organjacijski broj:

01-05-09-1786/22

Hava Pandžić

Pošiljatelj:

Skaljic Seid <skaljicseid@gmail.com>

Poslano:

srijeda, 23. novembar 2022. 16:00

Prima:

Gradsko Vijeće Sarajevo - pisarnica

Predmet:

Amandmani na prijedlog Statut Grada Sarajeva Seid Škaljić

Privici:

Amandmani na prijedlog Statuta Grada Sarajeva Seid Škaljić.pdf

Poštovani,

U prilogu Vam dostavljam amandmane na Statut Grada Sarajeva.

Zamolio bi Vas da iste proslijedite na dalje postupanje te ukoliko je potrebno izvršiti određene promjene da mi javite na vrijeme.

Također Vas molim da mi potvrdite prijem maila.

Srdačno,

Seid Škaljić